

Gemeinde
Ralbitz-Rosenthal



Gmejnska nowina Ralbicy - Róžant



34. lětnik / 5. wudaće

Hamske łopjeno

nazymnik 2022

03.11.2022

www.ralbitz-rosenthal.de

gemeinde@ralbitz-rosenthal.de



Foto: Tomáš Šolta

Dnja 13. oktobra wotměchu so w Ralbičan šuli powołanske wiki, kotrež běštej wyša šula a gmejna zhromadnje organizowatoj. Na nich wobdźělichu so regionalne firmy a zarjadnišća a informowachu zajimcow wo wšelakich powołanskich móžnosćach.



Wobzamknjenje techniskeho wuběrka gmeiny Ralbicy-Róžant

Na posedženju techniskeho wuběrka dnja 27.10.2022 je so scěhowace wobzamknjenje schwalilo:

1. Stejnišćo k próstwje wo přetwar domskeho a hródže na ležownosći 4 w Ralbicach

Přichodnej posedźeni gmejskeje rady gmeiny Ralbicy-Róžant wotmějetej so štwórtk, dnja 10.11.2022 we 18.30 hodž. a štwórtk, dnja 24.11.2022 we 18.30 hodž. na gmejnskim zarjedže w Róžeńće. Wotpowědny dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so po potrebjce štwórtk, dnja 24.11.2022 we 18.00 hodž. na gmejnskim zarjedže w Róžeńće. Dnjowy porjad so přez městne wuwěški wozjewi.

Firmy, kiž chcedža w gmejskej nowinje swoje hodowne postrowy wozjewić, njech je prošu hač do 5.12.2022 na mejlowu adresu gmejska.nowina@gmx.de pósćelu.

Tohorunja poskićamy wšitkim firmam, swoje wabjenje do gmejskeje nowiny zapodać. Rady móžeće so z nami do zwiska stajić.

**Gratulujemy wšitkim rentnarkam a
rentnarjam našeje gmeiny k narodninam a přejemy
krutu strowotu a Bože žohnowanje!**



13. nowembra	Gerald Reška	Nowoslicy	70. narodniny
22. nowembra	Gerat Zarjeńk	Sernjany	70. narodniny
24. nowembra	Borbora Mikławškowa	Šunow	70. narodniny

**Tež wšitkim njemjenowanym narodninarjam přejemy
wjele zboža, strowotu a wosobinske derjeměće.**

Rěčne hodžiny gmejskeho zarjada w Róžeńće:
wutoru a štwórtk: 14.00–18.00 hodž.

Rěčne hodžiny wjesnjanosty:
štwórtk: 15.00–18.00 hodž. po dorěčenju

Serbske wudaće gmejskeje nowiny so wot Sakskeho statneho ministerstwa nutřkowneho spěchuje. Naprawy so z dawkowych srědkow na zakładže hospodarskeho plana, wobzamknjeného wot zapóslancow Sakskeho krajneho sejma sobu financuja.

Nuzowe čisła

milina	ENSO Netz GmbH 0351/50178881
woda	Ewag Kamenz 03578/377377
płun	EVSE Wittichenau 035725/7410
wopłóčki	AZV Am Klosterwasser 035796/96026
policija	110
nuzowy lékař / wohnjowa wobora	112
wohnjowa wobora Ralbicy	035796/850086

IMPRESUM – Gmejska nowina gmeiny Ralbicy-Róžant
zamołwity: zast. wjesnjanosta René Wjaclawk
Gmejski zarjad
Při Marijinej studničce 8
01920 Róžant
Tel.: 035796/96832
Faks: 035796/96833
Mejlka: gemeinde@ralbitz-rosenthal.de
Internet: www.ralbitz-rosenthal.de
Towarstwa su za wobsah svojich stronow same zamołwite.

Redakciski kónc za wudaće hodownika 2022:
15.11.2022

Prošu zapodajće wšitke přinoški za nowinu
z mejlku na:

gmejska.nowina@gmx.de
Online-wudaće gmejskeje nowiny
pod: www.ralbitz-rosenthal.de

*Z Božej nocy hłosy krasne
njesu nowe poselstwo.
Swětło swätej schadźa jasne,
powěsć słyši čłowjestwo:
Měr a pokoj za ludźi
dobrej wole na zemi*

Handrij Zejler

Přeprošenje

*Čescene wuměnkarki (wšitcy, kiž maja 07.12.2022 starobu 60 lět docpětu) a
česceni wuměnkarjo (wšitcy, kiž maja 07.12.2022 starobu 65 lět docpětu) našeje
gmejny,*

*přeprošujemy Was wutrobnje na našu rentnarsku adwentničku, kotraž wotměje so
srjedu, dnja 7. decembra 2022*

*we Wowčerkec hosćencu w Šunowje.
Započatk je w 13.00 hodź. z wobjedom.*

*Slěduje mały kulturny program.
Při zhromadnej rozmołwje z kofejom
a wosuškóm změjemy rjane popołdno.
Bych so wjeselił Was na tutym zarjadowanju
powitać směć.*



*Dla organizatoriskich přičin pak je trěbne, zo gmejnskemu zarjadnistwu w
Róženće hač do 23.11.2022 zdžěliće, hač budžeće so wobdžělić (telefonisce pod
čo. 035796 96832 abo wotedajće delni wotrězk přeprošenja). Zo by so
adwentnička zaručić móhła, prosymy wo přinošk we wysokosći 10 €/na wosobu.
Přinošk hromadźuje so na městnje.*

Z přecelnym postrowom

*H. Ryčer
wjesnjanosta*

.....

Wobdžělu so na rentnarskej adwentničke dnja 07.12.2022

.....

mjeno, předmjeno

15 wobornikow nastupi swoju službu w aktiwnym wotrjedže

Dnja 20. septembra 2022 započła so w našej gmejnje zakładne wukubłanje za službu we wohnjowej woborje. Na nim wobdźěli so 15 kandidatow, kotřiž chcedža w gmejskej wohnjowej woborje Ralbicy-Róžant sobu skutkować, kaž tež kandidatka Njebjelčanskeje gmejskeje wohnjoweje wobory. Pod nawodom knjeza Stephana Ziescha z Rakec sposrědkowa so wobdźělnikam mjez druhim, kak so transportabelne rěble nastajeja, hdže w hašenskim jězdźidle ma kóždy swoje městno, kotre nadawki so na městnje zasadženja rozdźěluja a kak so při zasadženju woheń definuje, zo by so ze za to so hodźacym hašenskim srědkom hašeć móhł. Tež wobběh wšelakich krokow při wobchadnym njezbožu a přenja medicinska pomoc běštej wobstatk wukubłanja.

»Truppmann Teil 1«-wukubłanje (zakładne wukubłanje) traje wjace hač 70 hodźinow a sposrědkowa so wobdźělnikam zwjetša we wječornych hodźinach.



Na kóncu kursa 14. oktobra dyrbjachu wšitcy wobdźělnicy přiswojenu wědu w formje teoretiskeho wukonoweho dokłada kaž tež při praktiskich zwučowanjach zasadženja dopokazać.

Wšitcy wobdźělnicy pruwowanja wuspěšnje zložichu.

Wukubłanje je wuměńjenje, zo móža so wobornicy na aktiwnej službje a z tym při zasadženjach wobdźělić.

Z »nowym dorostom« ma
naša gmejnska wohnjowa
wobora Ralbicy-Różant
tuchwilo 129 aktywnych
kameradow, kotřiž angažuja
so čestnohamsce w pjeć
wjesnych wohnjowych
woborach.

Chcu so na tutym městnje
pola wšěch wobdžělenych,
kotřiž su so za zakładne
wukubłanje zasadžili a je
podpěrali, pomocnikow
podžakować.

Michał Maywald
nawoda gmejnskeje wohnjoweje wobory



Foće: Michał Maywald

Empfangen. Entspannen. Mehr von dir haben.

Möchtest du dein Leben leichter haben?
Das (nächtliche) sorgenvolle Grübeln beenden?
Emotionalen Stress auflösen?
Den Körper entspannen?
Einen klaren Kopf bekommen?

Im November biete ich kostenfreie
Schnuppersitzungen an.

Was es von dir braucht:

- deine Wahl
- 30 Minuten deiner Zeit
- dich auf den Weg zu mir machen

Weitere Infos unter:
www.marinalehmann.de/accessbars



MARINA LEHMANN

BewusstseinsCoaching



Schreibe mir:

✉ info@marinalehmann.de

☎ WhatsApp: 035796-153891

📍 Am Auenwald 2
01920 Laske

🌐 www.marinalehmann.de

**ACCESS
BARS®**



pěstowarnja „dr. Jurij Měynk“ w Ralbicach



Alarm w pěstowarni

Kóždolětne zwučowanje z wohnjowej woboru wotmě so 17. oktobra 2022 w Ralbičanskej pěstowarni. Skradžu so termin z nawodu wohnjoweje wobory knjezom Měrcinkom a swojim teamom dorěči. Nimo wjednistwa nictó w domje wo zwučowanju njewě. Tak su přistajeni a dźěći překwapjeni, kaž je to w padže ewakuacije z wašnjom. Wotběh je kóždemu znaty: Po tym zo je so alarmowy knefl w domje tłóčit, so kubłarki a kublarjo z dźěćimi skupiny a skupinskej knihu na wšěm znate městno hromadženja wosrjedź zahrody podadza. Někotři z dźěći du wězo płakajo z domu, dokelž je alarm chětro wótře. Čim spěšnišo so sylzy a strach pozhubja, hdyž so dźěćom na zahrodze zwučowanje rozkładže a dźěći wohnjowu woboru wustyša.

Na to so šef wobory wjednistwo domu nastupajo pozdatneje přičiny wohenja a alarma wopraš a swojich wobornikow na městno w domje přewodza. Hdyž je so wšo zrjadowało, móža so dźěći zdrasćić a samo kaž prawi wohnjowi wobornicy při pryskawje stać a z wodu »hašeć«.


Zapłać Bóh wšěm dobrowólnym wohnjowym wobornikam a jich šefej za přewjedženje zwučowanja!

Jadwiga Nukowa



Zaběra za dźeći

Tutón króć směće hnydom dwaj wobrazaj zestajić. K tomu zwjazajće horjeka a deleka stajnje ličby wot 1 do 60. Wobě wěcy móžeće w zahrodze wuhladać, jeli so tam kedźbliwje pohibujeće.





Serbskŕ zakłŕadna ŕula Ralbicy

Delanski ZWónčk



Nazymnik 2022 / čisło 86

Sorbische Grundschule Ralbitz

Přeprošenje

Holcy a hólcy Serbskeje zakłŕadneje ŕule Ralbicy wuhotuja
pjatk, 2. hodownika 2022 w 17 hodž.
swój tradicionelny dohodowny koncert.



Cyle wutrobnje přeprošujemy wšitke džěci ze staršimaj, wowku,
džědom a přěcelemi do sportoweje hale našeje ŕule w Ralbicach.

Witajće k nam!

Krabat poby pola nas



Zhromadnje ze swojim pisarjom předstajitaj nam swoje žiwjenje w formje dialoga.
Šulerjo běchu zahorići a wćipni a dóstachu tak tójšto wotmołwow na swoje prašenja.



ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Nazymnik 2022
27. lětnik, 270. wudaće

Naši nowi sobustawojo

Směm so předstajić ...

Rěkam **Jakub**, sym džesać lět stary a přińdu z Koslowa. Chodžu tohorunja kaž Miriam a Laura do pjateho lětnika. Wyša šula so mi lubi, dokelž mam tu stajnje rjane dožiwjenja z mojimi přećelemi. Wobdžělu so rady na AG šulska nowina a chcu nawuknyć, kak so wona zestaja. W swobodnym času hraju rady kopańcu.

Sym **Miriam**, džesać lět stara a bydlu w Dubrjenku. W swobodnym času jěm najradšo pizza. Nimo toho njesměrnje rady jěcham. Za šulsku nowinu sym so rozsudžiła, dokelž je dźěło tu wotměnjate, wjesole a žortne. Dale chcu so w prawopisu polěpsić a nawuknyć, kak so šulska nowina prawje napisa.

Sym **Laura**, džesać lět a přińdu z Hózka. Chodžu tež do pjateho lětnika. Wosebje rady jěm nudle, pizza a solotej. Kaž Miriam jěcham tež ja rady. Směju so rady a wjeselu so na zhromadne dźěło ze sobušulerkami a sobušulerjemi. Dokelž je moja sotra w AGji šulska nowina, sym so tež chcyla wobdžělić a do dźěłow a nadawkow pohladnyć. Wočakuju, zo nawuknu lěpje serbsce pisać.

- wobrazaj: L. Pešmanowa,
teksty: mjenowani šulerjo -

Rěkam **Saskia**, přińdu z Hózka a sym tohorunja 13 lět stara. W swobodnym času přewšo rady jěcham a teksty pisam. Sym slyšała, zo směš tu w AGji k najwšelakorišim temam pisać. Runje to čini mi wjeselo. Tohodla sym so tu tež přizjewiła.

Sym **Helena**, 13 lět stara a bydlu w Sulšecach. Mojej hobbyjej stej rejować a so z přećelemi zetkać. Do AG šulska nowina sym zastupiła, dokelž sym kreatiwna a rady pisam. Nimam čezje, sej teksty wumyslić abo je napisać. Nimo toho chcu móžnosć wužić a so w pisanju dale wuspytać.



Sportowe wubędźowanje w Slepom

28. septembra wotmě so sportowe wubędźowanje „Sportej zdar 2022” w Slepom, kotrež wuhotowaštej Serbske šulske towarstwo a Serbski Sokol.

Cyłkownje wobdźěli so šěsć serbskich šulow, kotrež so w lochkoatletice měřjachu. Běchu to Radwor, Slepom, Serbski gymnazij Budyšin, Serbske wyše šule Budyšin, Worklecy a Ralbicy. Z kóždeje rjadownje wot 7.-9. lětnika so za wubędźowanje stajnje najlěpši hólca a najlěpša holca wuzwoleštaj. Cyłkownje zastupi potajkim kóždu šulu šěsć sportowčow a sportowcow. Našu wyšu šulu zastupowachu ze sedmeho lětnika Josefina Róblec a Fabian Korch. Z wosmeho lětnika běštaj to Lydia Bodeneč a Livius Frenčel. Za dźewjaty lětnik staj Patrik Mikławš a Josefina Róblec startowatoj.

Šulerki a šulerjo dyrbjachu so w šěsć disciplinach dopokazać. Běchu to wysokoskok, dalokoskok, mjetanje bulikow, kopańcowy dart a sprint. Na kóncu přewjedže so stafłowu běh deščikojteho wjedra dla nutřka w sportowni. Wutrobna gratulacija Worklečan wyšej šuli k přenjemu městnu. My wobsadźichmy pjate městno a smy přewšo motiwowani so dale a bóle polěpšić.



- tekst: Fabian Korch,
wobrazy: Tomaš Šořta -



Sće hižo wědzeli?

Sedziš rano w busu po puću do šule a hladaš z wokna. To či něšto wosebite napadnje, prawje? Na kóždy pad! Widziš přiběrajcy kurjawa, kotraž so kaž šlewjer přez daloku krajinu čaha. Nazyma so nam přeco jasnišo pokazuje. Přiroda



přihotuje so na dołhu přestawku. Łopjena so pomału přebarbja a padaja jedne po druhim ze štomow. Tež zwěrina so na zymu přihotuje. Cycaki kaž njetopyry, sedmispancy a jěže podadza so najpozdzišo nětko do zymskeho spara. Druhe zwěrjata kaž jelenje, liški abo kuny dóstanu tołsty kožuch. Woni změnja swój kožuch wot lochkeho lěčneho na tołsty izolowany zymski. Hermelin změni samo barbu kožucha wot bruneje na bětu.

<https://www.nabu.de/natur-und-landschaft/natur-erleben/natur-tipps/monat-fuer-monat/02897.html#:~:text=S%C3%A4ugetiere%20wie%20Flederm%C3%A4use%2C%20Siebenschl%C3%A4fer%20und,Farbe%20von%20braun%20zu%20wei%C3%9F>
<https://pixabay.com/de/vectors/pixel-zellen-ballon-fliegend-6230151/>

- tekst: Lydija Pešmanowa, wobraz: Jan Rjeda -

Naša referendarka, knjeni Šramic w interviewje

1. Čehodla sće so rozsudžiła so z wučerku stać?

Jako běch hižo šulerka w zakładnej šuli wědzach, zo chcu so raz z wučerku stać. Běch wo tym přeswědčena, zo je to rjane powołanje. Nimo toho mam w swójbjje tež hižo někotrych wučerjow. Woni běchu mi stajnje z přikładom a tak běše moje přeće zahe jasne.

2. Lubi so Wam na našej šuli? Hdyž haj, što wosebje?

Haj, sym rady tu. Wosebje lubi so mi, zo je to mačka šula, w kotrejž knježi swójbnatna atmosfera. Džěto z koleginami a kolegami je přecelne a naši šulerjo su pilni.

3. Kotre předmjety wuwučujete?

Wuwučuju serbšćinu a towaršnowědu.

4. Hdže sće studowała?

Sym w Lipsku studowała, dokelž je to jenička městno, hdžež móžeš serbšćinu studować.

5. Čehodla sće so rozsudžiła k nam do Ralbic přińć?

Sym so rozsudžiła, dokelž běch před dlěšim časom tu hišće sama šulerka a dokelž so mi w Ralbicach jednorje lubi.



- interview a tekst: Louisa Domanic -

„Mór a lubosć – dźiwadłowa hra pod hołym njebjom“

- Naprašujemy so sobuskutkowaceju -

Kaž sće hižo słyšeli, je so w septemberskim tydženju dźiwadłowa hra „Mór a lubosć“ w Chrósćicach předstajita. Běše to wot 10.09. hač do 18.09. 2022, stajnje pjatk, sobotu a njedzelu. My a z wěstosću tež někotři z was smy sej tutu wosebitu dźiwadłowu hru wobhladali. Po mojim měnjenju běše to jara napjata hra, z wjele dramatiku a lubosću. Tež z našeje šule su někotři sobu skutkowali. To běchu na přikład naš wučer kn. Kliemank a Jan Špitank z dźesateho lětnika. Mój smój z nimaj porěčaťoj a so za was k dźiwadłu, probam a swójskim začućam naprašowaťoj.

knjez Kliemank

Kak je k tomu dóšło, zo sće hłownu rólu hrać směť?

Sym dóstať telefonat, hač chcu so na hrě wobdźělić. Na započatku dyrbyeše kóždy wjacore róle hrać. Kak je pak dokładnje k tomu dóšło, zo sym směť hłownu rólu přewzać, to bych so dyrbjat našu režiserku woprašec. Snano sym lěpši začišć zawostajiť. To pak bohužel prawje wotmoćiwć njemóžu.

Bě napinace teksty nawuknyć?

Ně, poprawom nic. Sym to w swojim swobodnym času přeco zaso a zaso wospjetowať. Wažne bě jenož, zo so hižo nawuknjeny tekst njezabudže.

Hdy běchu přenje proby a hdže?

W nowembru dóstach přeni telefonat. Po tym smy wot decembra hač do někak měrcja jenož online-proby přewjedli, to rěka smy teksty přerěčeli a přečitali. Přenje live-proby, na kotrychž smy prawje zwučowali, běchu někak w meji.

Kak sće so w kostimach čuť?

Sym so čuť kaž w srjedźowěku. Na spočatku wupada to zawěsće tróšku spodźiwne, ale smy so wšitcy na to zwučili.

Sće byť jara napjaty před přenim předstajenjom?

Na kóždy pad. Napjatosć słuša k tomu a to dyrbiš tróšku być. Po tym běch wězo čím zbožowniši po přenim kaž tež po poslednim předstajenju.

Jan Špitank

Hdy běchu přenje proby a hdže?

Přenje proby běchu započatk awgusta, w Hórnikowym domje w Chrósćicach.

Bě napinace wšitke choreografije nawuknyć?

Haj, na kóždy pad, dokelž dyrbjachmy husto nowe kombinacije nawuknyć. Mějachmy kóždy tydžeň trójce proby.

Kak sy so před přenim předstajenjom čuť? Sy jara napjaty byť?

Ně, poprawom nic, dokelž njeběše to mój přeni wustup.

By ty jako rejowar tež raz hłownu rólu přewzať?

Haj, ale na kóncu rozsudži to naš wučer. By pak zajimawe nazhonjenje a wužadanje za mnje byťo.

Běše to dotal za tebję přenje wjetše předstajenje?

Ně, mějach hižo dalše, kaž na přikład w Hórkach na Wudworskim 40. jubileju, hdžež sym tež sobu rejować směť.

Wutrobny dźak za zajimawej rozmoťwje!

- interviewaj a teksty: Saskia Belkotec a Helena Kralec -

Pučowanski dzeń



Šěsty kaž tež sedmy lětnik dojdźeštej sej na centralnym pućowanskim dnju z kolesami do parka mrtwego drjewa blisko Kamjeneje. Po zhromadnej snědani mějachu knjeni Serbinec, knjeni Cyžowa, knjez Wowčer a knjeni Šramic najwšelakoriše kooperaciske hry w parku za šulerki a šulerjow spřihotowane. Po tójšto dožiwjenjach njesmědžeše wězo słodny wobjed - dener - w Rakecach pobrachować.

- tekst: J. Serbinec, wobrazy: M. Wowčer -

INFORMACIJE - TERMINY - WŠELČIZNY

- 01. nazymnika Wšěch swjatych
- 08. nazymnika staršiske rěčne hodžiny
- 08. nazymnika w ramiku UNESCO-projekta so sadowcy sadža
- 08. nazymnika projekt 9. lětnika „Seksualnowěda - škit před choroscěmi a wujasnjenje“
- 10. nazymnika 9. lětnik w Kamjencu „Na slědach Lessinga“
- 23./24. naz. 9. lětnik medijowy projekt z Michałom Cyžom

Namakaj w křižowance slědowace słowa: žołdže, kurjawa, lisćo, deščik, jeleń, zmij, kastanija.

- Luis Suchy a Jakub Měřš -

a	t	i	y	j	i	m	a	f	k
ě	l	ž	o	d	e	ć	b	ž	a
ž	p	i	r	e	f	l	d	a	s
o	i	k	s	s	a	p	e	f	t
ł	p	b	j	ć	i	z	a	ń	a
d	o	m	č	i	o	c	m	č	n
ž	w	ř	y	k	r	ł	f	i	i
e	f	ł	p	u	a	t	w	c	j
k	u	r	j	a	w	a	i	f	a



Therapie- & Pflegezentrum
WESTLAUSITZ

Zapadołužiski terapijowy a hladanski centrum



Ambulante Krankenpflege
Betreutes Wohnen
24-Stunden-Intensivpflege
Tagesbetreuung

Physiotherapie
Ergotherapie
Logopädie
Podologie

Essen auf Rädern
Hausmeisterdienst
Fahrdienst

ambulantna hladanska služba
bydlenje pod dohledom
24-hodžinske intenziwne hladanje
hladanje a zaběra na dnju

fyzioterapija
ergoterapija
logopedija
podologija

mobilne zastaranje z jědžu
domownikowa služba
jězbna služba

Unser Team spricht auch sorbisch!
Rěčimy tež serbsce!

Sie suchen einen Pflegedienst, der nicht von einem Patienten zum nächsten hetzt?
Pytaće hladansku službu, kotraž njespěcha wot pacienta k pacientej?

Dann rufen Sie uns an: Potom zazwońće:

(03578) 30 99 727

Wir nehmen uns Zeit für Sie. Versprochen!
Bjerjemy sej čas za Was! Slubjene!

Eine Gemeinschaft für Ihre Gesundheit!
Zhromadność za Wašu strowotu!

Veranstaltungen in der Festschauwe

Martinsgansessen

Freitag, den 11.11.22 ab 18.00 Uhr

swjedźenska wječer z husycu
pjatk, dnja 11.11.22 wot 18.00 hodź.

Buffet von 19.00 bis 20.30 Uhr

Martinsgans
Kartoffelklöße
hausgemachtes Apfelrotkraut
geschmorter Rosenkohl

Mittagessen Buffet


Sonntag 20.11.22 ab 10.30 Uhr – 13 Uhr

wobjed na kermuši
njedźelu dnja 20.11.22 wot 10.30 hodź

- sorbische Hochzeitssuppe
- gekochtes Rindfleisch mit frischen Meerrettich & Graubrot
- gebratene Putenoberkeule mit Rosenkohl & Rotkraut
- gegrillte Schweine-Lende mit frischen Sahne-Champignons
- Schweineschnitzel mit Buttergemüse
- Weißfleisch aus dem Kamm mit Sauerkraut
- Grütz- & Semmelwurst mit geschmorten Wirsingkohl
- Kartoffel-Klöße, böhmische Heifeknödel
- Kartoffeln, Kroketten
- gemischter Salatteller mit Dressing


Bestellungen nehmen wir bis zum 04.11.22 entgegen!

Preis pro Personen 25€.



Bestellungen nehmen wir bis zum 11.11.22 entgegen!

Preis pro Personen 25€.



Wjeselimy so na Wašu skazanku!

Tel. 0172-3570908 oder

Email: info@zeltverleih-diener.de

Mühlweg 10 01920 Naußlitz

Lajska dźiwadłowa skupina Šunow-Konjegy
hraje za Was komediju



Sobotu,	05.11.2022	18.00 hodź.	w Šunowje <i>*(předpředań)</i>
Njedźelu,	06.11.2022	16.00 hodź.	w Šunowje <i>*</i>
Njedźelu,	11.12.2022	16.00 hodź.	w Radworju
Njedźelu,	08.01.2023	16.00 hodź.	w Sulšecach <i>*</i>
Njedźelu,	15.01.2023	16.00 hodź.	w Njebjelčicach
Sobotu,	28.01.2023	19.00 hodź.	w Nowoslicach <i>*</i>
Njedźelu,	29.01.2023	16.00 hodź.	w Nowoslicach <i>*</i>
Njedźelu,	05.02.2023	16.00 hodź.	w Chrósćicach
Njedźelu,	26.02.2023	16.00 hodź.	w Haslowje <i>*</i>
Njedźelu,	05.03.2023	16.00 hodź.	w Lejnje

**ze simultanym přeložkom – mit Simultanübersetzung*